

亥 21

7924

醫藥叢書
第二集
第四種
羅謙甫治驗案卷下



中華民國七年冬月鐫版定價每冊

羅謙甫治驗案卷下

紹興醫藥學報社發行



版藏紹
興裘氏

中華民國二十九年冬月

興醫藥學社



南京中醫藥大學圖書館版權所

醫學叢書第二集敘

嘗謂一國之文明恃乎一國人維持之力而定其發達之程度伏羲之畫卦倉頡之造字神農之嘗藥使非後人起而維持光大之亦烏能傳於今日耶故大易曰作者之謂聖述者之謂賢韓昌黎曰莫爲之先雖美弗彰莫爲之後雖盛弗傳然則學術之興衰文化之優劣其繫於人何如也中醫自歐化輸入以來淺識之士往往厭故喜新是丹非素豈知中醫學術有超乎西醫之上者全國藥材有補歐美之缺者此其故蓋有數因焉一則中國文化發明在先其精神所到之處已非歐人所能及故中醫古書所言之理多有爲西醫所不能道者一則中國地大物博金石草木之中多有奇效藥品爲歐美所無者一則數千年來名醫輩出一家有一家之長一書有一書之用融會貫通已覺應用無窮以視彼醫校之數卷講義其精粗得失爲何如耶有此三因故中醫學術微獨相傳至今不墜且將永傳於無窮也顧自洪楊亂後名家著作湮沒失傳者不

醫藥叢書第二集總目

第一種 李冠仙知醫必辨余

第二種 市隱廬醫學雜著全

第三種 莫枚士研經言卷二

第四種 羅謙甫治驗案卷下

第五種 吳氏醫案卷二

第六種 惜分陰軒醫案卷二



羅謙甫治驗案卷下目錄

陰黃治驗

肢節腫痛治驗

中寒治驗

時不可違

陰證陽證辨

解惑

執方用藥辨

遇汗亡陽變證治驗

用熱遠熱從乎中治

汗多亡陽

下多亡陰

方成弗約之失

灸之不發

脫管

瀉火傷胃

脈寢辨

下工絕氣危生

酸多食之令人癢

冬藏不固

主勝客則逆

用藥無據反為氣賊

主不明則十二官危



時氣傳染

輕易服藥戒

福醫治病

瘡腫方

疣瘤疥癬皺揭方

痢疾方

田... 藥...

...

...

中...

...

...

戒妄下

妄投藥戒

妄服藥餌

療癩方

藥戒

捨時從證

...

...

...

...

...



羅謙甫治驗案卷下

紹興吉生裘慶元輯錄

明人

紹興俊臣朱祖瑞
暨陽仲友趙綬福

同參校

陰黃治驗

至元丙寅六月時雨霖霪人多病瘟疫真定韓君祥因勞役過度渴飲涼茶及食冷物遂病頭痛肢節亦疼身體沉重胸滿不食自以爲外感傷用通聖散二服藥後添身體困甚命醫治之醫以百解散發其汗越四日以小柴胡湯二服加煩渴又六日以三一承氣湯下之燥渴尤甚又投白虎加人參柴胡飲子之類病愈增又易醫用黃連解毒湯硃砂膏至寶丹之類至十七日後病勢轉增傳變身目俱黃肢體沉重背惡寒皮膚冷心下痞硬按之而痛眼澀不欲開目睛不了了懶言語自汗小便利大便秘而不了命予治之診其脈緊細按之虛空兩寸脈短不及本位此證得之因時熱而多飲冷加以寒涼藥過度助水乘



心反來侮土先囚其母後薄其母經云薄所不勝乘所勝也時值霖雨乃寒溼相合此爲陰證發黃明也予以茵陳附子乾薑湯主之內經云寒溼於內治以甘熱佐以苦辛溼淫所勝平以苦熱以淡滲之以苦燥之附子乾姜辛甘大熱散其中寒故以爲主半夏草豆蔻辛熱白朮陳皮苦甘溫健脾燥溼故以爲臣生姜辛溫以散之澤瀉甘平以滲之枳實苦微寒泄其痞滿茵陳苦微寒其氣轉浮佐以姜附能去膚腠間寒溼而退其黃故爲佐使也煎服一兩前證減半再服悉去又與理中湯服之數日氣得平復或者難曰發黃皆之爲熱今暑陽盛之時又以熱藥治之何也予曰理所當然不得不然成無已云陰證有二一者始外傷寒邪陰經受之或因食冷物傷太陰經也二者始得陽證以寒治之寒涼過度變陽爲陰也今君祥因天令暑熱冷物傷脾過服寒涼陰氣大勝陽氣欲絕加以陰雨寒溼相合發而爲黃也仲景所謂當於寒溼中求之李思順云解之而寒涼過劑瀉之而逐寇傷君正以此也聖賢之制豈敢越哉或者曰

潔古之學有自來矣。茵陳附子乾姜湯治因涼藥過劑變為陰證身目俱黃四肢皮膚冷心下痞硬眼澀不欲開自利踏臥方。附子泡去皮臍三錢乾姜泡二錢茵陳一錢二分白朮四分草豆蔻麩裏煨一錢白茯苓去皮三分炒半夏泡七次澤瀉各五分陳皮三分去白右十味咬咀作一服水一饅半生姜五片煎至一饅去滓涼服不拘時候

肢節腫痛治驗

眞定府張大年二十有九素好嗜酒至元辛未五月間病手指節腫痛屈伸不利膝臏亦然心下痞滿身體沉重不欲飲食食即欲吐面色痿黃精神減少至六月間來求予治之診其脈沉而緩緩者脾也難經云膈主體重節痛而膈者脾之所主四肢屬脾蓋其人素飲酒加之時助溼氣大勝流於四肢故爲腫痛內經云諸溼腫痛皆屬脾土仲景云溼流關節肢體煩痛此之謂也宜以大羌活湯主之內經云溼淫於內治以苦溫以苦發之以淡滲之又云風能勝溼羌



活獨活苦温透關節而勝溼故以爲君升麻苦平威靈仙防風蒼朮苦辛温發
之者也故以爲臣血壅而不流則痛當歸辛温以散之甘草甘温益氣緩中澤
瀉鹹平茯苓甘平導溼而利小便以淡滲之也使氣味相合上下分散其溼也
大羌活湯方 羌活升麻 各一錢 獨活 七分 蒼朮防風 去蘆泥 威靈仙 去蘆白
朮當歸白茯苓 去皮 澤瀉 各五分 右十味咬咀作一服水二錢煎至一錢去滓
温服食前一服食後一服忌酒麪生冷硬物

中寒治驗

參政商公時年六旬有二元有胃虛之證至元己巳夏上都住時值六月霖雨
大作連日不止因公務勞役過度致飲食失節每旦則臍腹作痛腸鳴自利須
去一二行乃少定不喜飲食懶於言語身體倦困召予治之予診其脈沉緩而
弦參政以年高氣弱脾胃宿有虛寒之證加之霖雨及勞役飲食失節重虛中
氣難經云飲食勞倦則傷脾不足而往有餘隨之若歲火不及寒乃大行民病



驚漉今脾胃正氣不足腎水必挾木勢反來侮土乃薄所不勝乘所勝也此疾
 非甘辛大熱之劑則不能瀉水補土雖夏暑之時有用熱遠熱之戒又云有假
 者反之是從權而治其急也內經云寒淫於內治以辛熱乾姜附子甘辛大熱
 以瀉寒水用以爲君脾不足者以甘補之人參白朮甘草陳皮苦甘溫以補脾
 土胃寒則不欲食以生姜草豆蔻辛溫治客寒犯胃厚朴辛溫厚腸胃白茯苓
 甘平助姜附以導寒溼白芍藥酸微寒補金瀉木以防熱傷脾氣爲佐也不數
 服良愈附子溫中湯治中寒腹痛自利米穀不化脾胃虛弱不喜飲食懶言語
 困倦嗜臥方 乾姜泡 黑附子泡 去皮臍各七錢 人參去蘆 甘草炙 白芍藥白
 茯苓去皮 白朮各五錢 草豆蔻麩裏煨 去皮 厚朴姜製 陳皮各三錢 右十味咬
 咀每服五錢或一兩水二饊半生姜五片煎至一饊三分去滓食前溫服


時不可違

中書左丞張仲謙年五十三歲至元戊辰春正月在大都患風證半身麻木一

羅兼甫台驗案

卷下

三



醫欲汗之未決可否命予決之予曰治風當通因通用汗之可也然此地此時雖交春令寒氣猶存汗之則虛其表必有惡風寒之證仲謙欲速差遂汗之身體輕快後數日再來邀予視之曰果如君言官事煩劇不敢出門當如之何予曰仲景云大法夏宜汗陽氣在外故也今時陽氣尙弱初出於地汗之則使氣亟奪衛氣失守不能肥實腠理表上無陽見風必大惡矣內經曰陽氣者衛外而爲固也又云陽氣者若天與日失其所則折壽而不彰當汗之時猶有過汗之戒況不當汗而汗者乎遂以黃芪建中湯加白芍服之以滋養脾胃生發營衛之氣又以溫粉撲其皮膚待春氣盛表氣漸實卽愈矣內經曰化不可伐時不可違此之謂也

陰證陽證辨

靜江府提刑李君長子年一十九歲至元壬午四月間病傷寒九日醫者作陰證治之與附子理中丸數服其症增劇別易一醫作陽證議論差互不敢服藥

李君親來邀請予爲決疑予避嫌辭李君拜泣而告曰太醫若不一往犬子祇待死矣不獲已遂往視之坐間有數人予不欲直言其證但細爲分解使自料度之凡陽證者身須大熱而手足不厥臥則坦然起則有力不惡寒反惡熱不嘔不瀉渴而飲水煩燥不得臥能食而多語其脈浮大而數者陽證也凡陰證者身不熱而手足厥冷惡寒踈臥而向壁臥惡聞人聲或自引衣蓋覆不煩渴不欲食小便自利大便反快脈沈細而微遲者皆陰證也今診脈沈數得六七至其母云夜來叫呼不絕全不得睡又喜冰水予聞其言陽證悉具且三日不見大便宜急下之予遂秤酒煨大黃六錢炙甘草二錢芒硝二錢水煎服之至夕下數行燥糞二十餘塊是夜汗大出翌日又往視之身涼脈靜矣予思素問熱論云治之各通其藏府故仲景述傷寒論六經各異傳受不同活人書亦云凡治傷寒先須明經絡若不識經絡觸途冥行前聖後賢其揆一也昧者不學經絡不問病源按寸握尺妄意疾證不知邪氣之所在動致顛覆終不可悔韓

文公曰醫之病病道少思理到之言勉人學問救人之心重矣

解惑

省郎中張子敬六十七歲病眼目昏暗唇微黑色皮膚不澤六脈弦細而無力一日出示治眼二方問予可服否予曰此藥皆以黃連大苦之藥爲君諸風藥爲使且人年五十膽汁減而目始不明內經云土位之主其瀉以苦諸風藥亦皆瀉土人言七十脾胃虛而皮膚枯重瀉其土使脾胃之氣愈虛而不能營運營衛之氣滋養元氣胃氣不能上行膈氣吐食諸病生焉又以年高衰弱起居皆不同此藥不可服只宜慎言語節飲食懲忿窒慾此不治之治也子敬以爲然明年春署關西路按察使三年致仕還精神清勝脈遂平和此不妄服寒藥之效也內經曰誅罰無過是謂大惑解之可也

執方用藥辨

省掾曹德裕男婦三月初病傷寒八九日請予治之脈得沉細而微四肢厥冷

自利腹痛。目不欲開。兩手常抱腋。下昏昏嗜臥。口乾舌燥。乃曰前醫留白虎。加人參湯一服。可服否。予曰白虎雖云治口燥舌乾。若執此一句。亦未然。今此證不可用白虎者。有三。傷寒論云。立夏已前。處暑已後。不可妄用一也。太陽證無汗而渴者。不可用二也。況病人陰證。悉具。其時春風尚寒。不可用三也。仲景云。下利清穀。急當救裏。宜四逆湯。遂以四逆湯三兩。加入人參一兩。生姜十餘片。連鬚葱白九莖。水五大觔。同煎。至三觔。去滓。分三服。一日服之。至夜利止。手足溫。翌日大汗而解。繼以理中湯數服而愈。孫真人習業篇云。凡欲爲太醫。必須誥甲乙素問。黃帝鍼經。明堂流注。十二經三部九候。本草藥對。仲景叔和。並須精熟。如此方爲太醫。不爾。猶無目夜遊。動致顛隕。執方用藥者。再斯可矣。

過汗七陽變證治驗

中山王知府次子辭里。年十三歲。六月十三日暴雨。方過池水。泛溢因而戲水。衣服盡溼。其母責之。至晚覺精神昏憤。怠惰嗜臥。次日病頭痛。身熱。腿腳沈重。

一女醫用和解散發之閉戶塞牖覆以重衾以致苦熱不勝禁遂發狂言欲去其衾而不能得去是夜汗至四更溼透其衾明日尋衣撮空又以承氣湯下之下後語言漸不出四肢不能收持有時項強手足痠瘓搖急而攣目左視而白睛多口唇肌肉蠕動飲食減少形體羸瘦命予治之具說前由于詳之蓋傷溼而失於過汗也且人之元氣起於臍下腎間動氣過於身通行百脈今盛暑之時大發其汗汗多亡陽百脈行滯故三焦之氣不能上榮心肺火旺而肺氣焦沉因驚恐內畜內經曰恐則氣下陽主聲陽既亡而聲不出也陽氣者精則養神柔則養筋又曰奪血無汗奪汗無血今發汗過多氣血俱衰筋無所養其病爲瘓則項強手足痠瘓搖急而攣目通於肝肝者筋之合也筋既燥而無潤故目左視而白睛多肌肉者脾也脾熱則肌肉蠕動故唇蠕動有時而作經云肉痿者得之溼地也脾熱者肌肉不仁發爲肉痿痿者痿弱無力運動久爲不仁陽主於動今氣欲竭熱留於脾故四肢不用此傷溼過汗而成壞證明矣當治